

29. april 2016

UPA 2016/85

**Inatsisartut aaliangiiffigisassaattut siunnersuut, Naalakkersuisut peqquneqassasut kingusinnerpaamik UPA2017-mi allannguutissamik siunnersuuteqassasut, Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi, sulisitsisut atorfinitsitinissamik qinnuteqarnerisa kingorna ullut 14-it qaangiunneratigut kommune piffissap iluani aaliangiisimangippat, ingerlaannartumik atorfinitsitisinnaanerup atorunnaarsinneqarnissaa pillugu.**

(Inatsisartunut ilaasortaq Per Rosing-Petersen, Partii Naleraq)

Siumumiit siullermik oqaluuserisassamut qujanaq, Per Rosing-Petersen, Partii Naleraq, sulisitsisut atorfinitsitinissamik qinnuteqarnerisa kingorna ullut 14-it qaangiunnerisigut atorfinitsinnaalersarnerup piffissaliussap allanngortinneqarnissaat pillugu aalajangiiffissatut siunnersuummut.

Oqaluuserisassatut siunnersuutigisat ukiut siuliini oqaluuserineqartarnikuusoq matumuuna qaqqinneqartinnerata takutippaa piffiit ingerlanerini nalilersuinerit ingerlaavartumik ingerlanneqartariaqartut kissaatigineqartoq.

Nunatsinni suliffiit ilaat immikkut ilinniagaqarnissamik piumasaqaatitallit aammalu pisariaqartitsiviusut qularutissaangitsumik avataanniit suliartorumallutik nunatsinnukarusuttartunik pisariaqartitsinnik matussusiisarnissaat pisariaqartipparput taamaattorli aamma ilinniartitaanikkut tamatuma annertusiartortumik nunatsinniit matussuserneqarnissaat ilutigisaanni suliniutit naleqqusartuartaqartut Siumumiit pingaartitaraarput.

Maluginiassaavoq 2012-mi piffissaliussap sivitsornissaanik assingusumik oqaluuserisaqarnermi inatsisartuusunit akuerineqarsimangimmat, tungavilersuutigineqarsimasullu qiviaraani allanngortoqanngaarsimagunangitsoq.

Siumumiit nuannaarutigisatsinni siorna ukioq mannaluk inuussutissarsiornikkut suliffissaqartitsiniarnikkullu suliniutit arlaqartut nutarterlugit ingerlatsivigineqarput, taakku ilagaat ukioq manna tamakkiisumik atuutilersoq Sulisitsisut suliffissanut nittartakkamik atuinissaanik Kalaallit Nunaannut suliffissarsiortut killilersimaarnissaat pillugu inatsisaata allannguuteqartinneqarata kingorna suli annerusumik misilittagaqarfigineqanngilaq nittartakkatigut atuilluni ingerlatsinermik.

Siunertaavormi suliffissarsiortut eqaanerusumik sukkanerusumillu sumiiffinni pisariaqartitsisunut nuttarnerulersinnaanissaat, minnerunngitsumik sapinngisamik avataaneersunuk sulisoqarnissamik pinngitsoortitsiniarnissaq taamatullu nunatsinni sumiikkaluaraaniluunniit qulakkeerniarneqarmat suliffissarsiortut sulisitsisullu ataatsimoortinneqarlutik ajornannginnerusumik ujartuisinnaanissaanik.

Taamak oqaaseqarluta Siumumiit aalajangiiffigisassatut siunnersuut ataatsimiitialiami susassaqtumi sukumiisumik misissorneqarnissaa siunertaralugu ingerlateqqipparput.

Suka K. Frederiksen

Siumut